

'Nos a spera un aña mihor pero esey ta existi di nos tambe cu nos lo presta mihor cu e aña anterior'

ORANJESTAD- 'Atrobe nos ta na porta di un anja nobo pues e anja bieuw ya casi ta tras di lomba. Na vispera di e anja aki ningun hende lo por a pronostica loke anja 2005 a trece cu ne. Mayoria hende cu kende nos ta combersa, semper ta spera cu e anja nobo lo ta mihor cu esun cu ta cabando. Esaki ta algo particular si bo sinta pensa un tiki mas leeuw. E anja cu ta cabando por lo general no tabata un mal anja pa Aruba. Atrobe nos tabata tin un anja den cual economia a crece sustancialmente; e actividad economico den nos pais tabata visible tur caminda.

Nos a recupera di e receso cu tur caminda na mundo a wordo sinti despues di e atentadonan di 11 september 2001.

Nos ta construi, reconstrui, renova y embeyece. Cu nos ta bayendo bon na Aruba en general ta wordo ilustra tambe door di e grupo incesante di personanan cu ta trata di bin nos pais pa comparti e desaroyo aki.

Laga nos realisa cu hopi isla den e region caribenjo ta recuperando y reconstruyendo despues di mester a soporta diferente horcan devastador. Pa hopi den e region aki esey caba a haci e anja 2005 uno hopi scur. Hopi di nan mescos cu nos, principalmente ta depende di turismo.

Indudablemente nan speranza

ta cu e anja venidero lo bira uno mas mihor.

Fuera di record extravagante di horcan, anja 2005 ta pa mundo henter un anja cu lo mester wordo sigui pa uno mas mihor. Hopi pais a wordo azota pa desastrenan natural; y no laga nos lubida cu ta mas o menos 1 anja pasa cu un di e catastrofenan natural mas grandi di nos tempo a tuma lugar.

E anja aki tambe tabata un anja den cual un cantidad di pais a bira blanco di actonan terorista, esun na Londres ta ilustrativo pa e vulnerabilidad di e comunidatnan moderno transparente.

Den e mundo aki tin un gran cantidad di hende cu tin hopi motibo pa desea un anja mihor.

Y ora mi bisa esaki mi no por ni mag perde for di bista e desaparicion di Natalee Holloway.

Su desaparicion y tur lo sucedido despues, literalmente a trece Aruba den spotlight mundial y lamentablemente no tur ora den un luz positivo. Nos pasonan no mester wordo guia door di noticianan asina. Loke nos mester haci, nos mester hacie mas mihor posible, si ta necesario cu yudansa di otronan. Nos mester muestra mundo henter loke nos a hasi y pakiko nos a hacie. Mi ta convenci cu razonabilidad y sano juicio

lo prevalece y cu otronan lo mira cu Aruba como pais no tin culpa.

Pero laga nos no lubida e esencia. Mi ta pensa na promer lugar riba e mayornan di Natalee cu ta pasa e dianan special aki sin nan yiu.

Kiko anja 2006 lo trece pa Aruba?

E anja nobo lo bira un mihor anja pa nos?

Manera mi a bisa na cuminzamento, niun hende no sa esey. Pero ..nos ta spera cu si. Esey ta humano; nos ta aspira lo mihor y hopi mas por y mester wordo haci ainda pa logra esaki. Ademas mester tene cuenta den e anja nobo aki tambe cu pasonan di gobierno cu lo mester wordo tuma y cu lo ta dirigi pa anja 2007 y e anjanan subsiguiente.

Nos sa cu nos recursonan ta limita y como pais nos mester maneha bon loke nos



a construi y tene cuenta cu nos necesidadnan den futuro.

Esey ta rekeri vision y actuacion consecuente aunke cu lo no ta tur ora esaki lo wordo aprecia.

Nos ta spera cu e lo bira un anja mihor. Pero esey ta existi di nos tambe cu cada un di nos lo presta mihor cu e anja

anterior. Cu nos lo ta un bon hende pa nos famiyanan, pa nos bisiñanan, pa nos coleganan, pa esnan debil y vulnerable den nos comunidad. Esey ta encera tambe cu nos ta satisfecho cu tur loke nos tin y principalmente cu nos ta consiente cu no ta tur ora mas kier meen mihor."